

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар хот

**ХӨГЖЛИЙН БЭРХШЭЭЛТЭЙ ХҮНИЙ ЭРХИЙН ТУХАЙ
ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ**

1 дүгээр зүйл.Хөгжлийн бэрхшээлтэй хүний эрхийн тухай хуульд доор дурдсан агуулгатай хэсэг, заалт нэмсүгэй.

1/21 дүгээр зүйлийн 21.2, 21.3, 21.4, 21.5, 21.6, 21.7 дахь хэсэг:

“21.2.Эм, эмнэлгийн хэрэгслийн тухай хуулийн 4.1.10.в-д заасан эмнэлгийн хэрэглэгдэхүүн нь хүүхдийн өсөлтийн улмаас бие эрхтэнд таарахгүй болсон болон эдэлгээний хугацаа дууссан тохиолдолд зардлыг Эрүүл мэндийн даатгалын үндэсний зөвлөлийн баталсан жагсаалт, төлбөрийн хэмжээний дагуу бүрэн эсхүл хэсэгчлэн санхүүжүүлэх;

21.3.Нийгмийн даатгалын сангаас олгох үйлдвэрлэлийн осол, мэргэжлээс шалтгаалсан өвчний тэтгэвэр, тэтгэмж, төлбөрийн тухай хуулийн 14 дүгээр зүйлийн 14.3-т заасны дагуу протез, ортопедийн зардлын төлбөрийг авах эрх үүсээгүй хөгжлийн бэрхшээлтэй иргэний Эм, эмнэлгийн хэрэгслийн тухай хуулийн 4.1.10.в-д заасан өндөр болон зарим дунд эрсдэлтэй эмнэлгийн хэрэглэгдэхүүний үнийн хөнгөлөлтийг гурван жил тутам нэг удаа Эрүүл мэндийн даатгалын үндэсний зөвлөлийн баталсан жагсаалт, төлбөрийн хэмжээний дагуу хэсэгчлэн санхүүжүүлэх;

21.4.Эмнэлгийн хэрэглэгдэхүүнээс бусад нэн шаардлагатай туслах хэрэгслийн үнийн хөнгөлөлтийн зардлыг хөгжлийн бэрхшээлтэй иргэний асуудал эрхэлсэн Засгийн газрын гишүүний төсөвт тусган, хөгжлийн бэрхшээлтэй иргэний асуудал хариуцсан төрийн захиргааны байгууллага нь Засгийн газраас баталсан жагсаалт, олгох давтамж, жишиг үнийг баримтлан хөгжлийн бэрхшээлтэй хүүхэд болон хараа, сонсголын бэрхшээлтэй хүнд нөхөн олгох.

21.5.Энэ хуулийн 21.2, 21.3, 21.4-т заасан эмнэлгийн хэрэглэгдэхүүн, нэн шаардлагатай туслах хэрэгслийг гадаад улсад хийлгэсэн эсхүл худалдан авсан бол түүний зардлын төлбөрийг энэ хуулийн 21.2, 21.3, 21.4-т заасан дотоодод хийлгэсэн жишиг үнийг баримтлан нөхөн олгож болно.

21.6.Энэ хуулийн 21.2, 21.3-т заасан эмнэлгийн хэрэглэгдэхүүний зардлыг жил бүр нийгмийн халамжийн сангаас Эрүүл мэндийн даатгалын санд шилжүүлж, эрүүл мэндийн даатгалын байгууллагаар дамжуулан санхүүжүүлнэ.

21.7.Энэ хуулийн 21.2, 21.3-т заасан эмнэлгийн хэрэглэгдэхүүнээр үйлчлэх, олгох журмыг Эрүүл мэндийн даатгалын үндэсний зөвлөл батална.

2/26 дугаар зүйлийн 26.5, 26.6, 26.7, 26.8 дахь хэсэг:

“26.5.Энэ хуулийн 26.1.17, 26.9-д заасан үйлчилгээ үзүүлэх журам, үйлчилгээнд тавигдах шаардлага, үйлчилгээ үзүүлэх байгууллагыг сонгон шалгаруулах журмыг нийгмийн халамжийн асуудал эрхэлсэн Засгийн газрын гишүүн батална.

26.6.Энэ хуулийн 26.1.17, 26.9-д заасан үйлчилгээ үзүүлэх байгууллагын ажилтны цалин хөлс, үйлчилгээний жишиг үнэ болон иргэний хариуцах төлбөрийн хэмжээг хөгжлийн бэрхшээлтэй хүний болон санхүү, төсвийн асуудал эрхэлсэн Засгийн газрын гишүүн хамтран баталж, хэрэгжүүлнэ.

26.7.Энэ хуулийн 21.1, 21.2, 21.3, 21.4, 21.5, 21.6, 26.2 дахь хэсэгт болон 26.1.7, 26.1.9, 26.1.13, 26.1.17-д заасан хөнгөлөлт, үйлчилгээг цахимжуулах, давхардлыг арилгах, гэрээт байгууллагын санхүүжилтийг гүйцэтгэлд үндэслэн бодитой олгох зорилгоор Хүний хувийн мэдээлэл хамгаалах тухай хуулийн 4.1.1-д заасан мэдээллийг ашиглаж болно.

26.8.хөгжлийн бэрхшээлтэй хүний хөгжлийг дэмжих төвийн үйлчилгээг иргэн, хуулийн этгээдээр гэрээлэн гүйцэтгүүлэх зардлыг хөгжлийн бэрхшээлтэй хүний асуудал хариуцсан төрийн захиргааны байгууллагын төсөвт жил бүр тусган хэрэгжүүлнэ.”

3/ 26 дугаар зүйлийн 26.1.17, 26.1.18 дахь заалт:

“26.1.17.хувийн туслах үйлчилгээ болон өдрөөр асрах, гэрээр асрах, түр болон урт хугацаагаар асрах асаргааны хувилбарт үйлчилгээ үзүүлэх;

26.1.18.хөдөө орон нутгаас аймгийн төв, нийслэл Улаанбаатар хот, хотод бүх шатны боловсролын байгууллагад суралцах хөгжлийн бэрхшээлтэй хүүхэд болон түүний асран хамгаалагч тус бүрд ирж, очих тээврийн зардлыг жилд нэг удаа автозамын болон агаарын тээврийн тарифт үнээр тооцож нөхөн олгох;”

2 дугаар зүйл.Хөгжлийн бэрхшээлтэй хүний эрхийн тухай хуулийн 26.1.7 дахь заалтын “дотоодын” гэсний өмнө “магадлан итгэмжлэгдсэн” гэж, 26 дугаар зүйлийн нэрийн болон 26.1 дэх хэсгийн “хөнгөлөлт” гэсний дараа “, үйлчилгээ” гэж, 37.2 дахь хэсгийн “насны” гэсний өмнө “хүртэлх” гэж тус тус нэмсүгэй.

3 дугаар зүйл.Хөгжлийн бэрхшээлтэй хүний эрхийн тухай хуулийн дараах хэсэг, заалтыг доор дурдсанаар өөрчлөн найруулсугай:

1/32 дугаар зүйлийн 32.8 дахь хэсэг:

“32.8.Хөгжлийн бэрхшээлтэй иргэн нийслэл, аймгийн төвийн нийтийн тээврийн хэрэгсэл /таксинаас бусад/-ээр орон нутгийн харьяалал харгалзахгүйгээр үнэ төлбөргүй /нийслэлд зориулалтын картаар/ зорчих бөгөөд хөгжлийн бэрхшээлтэй хүний нийтийн тээврээр зорчсон төлбөрийг нийтийн тээврийн үйлчилгээ үзүүлсэн аймаг, нийслэлийн төсөвт жил бүр тусган, хэрэгжүүлнэ.”

2/37 дугаар зүйлийн 37.2.3 дахь заалт:

“37.2.3.ахмад настны хөгжлийн бэрхшээлтэй эсэхийг Эрүүл мэндийн тухай хуулийн 16.21-д заасан комисс.”

4 дүгээр зүйл.Хөгжлийн бэрхшээлтэй хүний эрхийн тухай хуулийн 26.1.5 дахь заалтын “цэцэрлэг, сургуульд” гэснийг “бүх шатны боловсролын байгууллага, дэмжих төв, өдөр өнжүүлэх төв, хүүхэд харах үйлчилгээ болон бусад нийгмийн халамж, асрамжийн үйлчилгээний байгууллагад” гэж, 26.1.9 дэх заалтын “рашаан” гэснийг “магадлан итгэмжлэгдсэн” гэж, 26.1.12 дахь заалтын “50” гэснийг “100” гэж, 26.1.16 дахь заалтын “асаргаа сувилгаа, ариун цэвэр-эрүүл ахуйн материалын дэмжлэг” гэснийг “тохиолдолд живхний үнийн хөнгөлөлт” гэж, 26.2 дахь хэсгийн “олон нийтийн оролцоонд түшиглэсэн халамжийн үйлчилгээнд” гэснийг “энэ хуулийн 26.1.17-д заасан” гэж, 26.4 дэх хэсгийн “26.1.1, 26.1.2, 26.1.3, 26.1.4, 26.1.5, 26.1.6” гэснийг “21.4, 21.5, 26.1.5, 26.1.7, 26.1.9, 26.1.10, 26.1.12, 26.1.13, 26.1.15, 26.1.16, 26.1.18-д” гэж тус тус өөрчилсүгэй.

5 дугаар зүйл.Хөгжлийн бэрхшээлтэй хүний эрхийн тухай хуулийн 21.1 дэх хэсгийн “Нийгмийн даатгалын” болон “Тэтгэмжийн даатгалын” гэснийг, 26.1.7 дахь заалтын “сувиллын” гэсний өмнөх “рашаан” гэснийг, мөн заалтын “олгох” гэсний өмнөх “нөхөн” гэснийг, 38.2 дахь хэсгийн “нийгмийн халамжийн үйлчилгээнд хамрагдах” гэснийг тус тус хассугай.

6 дугаар зүйл.Хөгжлийн бэрхшээлтэй хүний эрхийн тухай хуулийн 26.1.1, 26.1.2, 26.1.3, 26.1.4, 26.1.6, 26.1.11, 26.1.14 дэх заалтыг тус тус хүчингүй болгосугай.

7 дугаар зүйл.Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

АХМАД НАСТНЫ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл. Ахмад настны тухай хуульд доор дурдсан агуулгатай хэсэг, заалт нэмсүгэй.

1/4 дүгээр зүйлийн 4.1.12, 4.1.13 дахь заалт:

“4.1.12. “Алдар цолтон ахмад настан” гэж энэ хуулийн 3.1-д заасан насанд хүрсэн Монгол Улсын баатар, хөдөлмөрийн баатар, ардын болон гавьяат цолтон, төрийн шагналт, төрийн соёрхолт, ахмад дайчин, Улсын ударник, хувьсгалт тэмцлийн ахмад зүтгэлтэн, Монгол Улсын Үндсэн хуулийг хэлэлцэж, баталсан /1990-1992 он/ Ардын Их Хурлын депутат, Улсын Бага Хурлын гишүүн болон 1939 оны Халхын голын байлдаан, 1945 оны чөлөөлөх дайн, улсын баруун хил дээр 1940-1948 онд болсон зэвсэгт тулгаралтад биечлэн оролцсон Монгол Улсын иргэн;

4.1.13. “нэмэгдэл” гэж энэ хуулийн 4.1.12-т заасан алдар цолтон ахмад настанд нийгмийн даатгал, нийгмийн халамжийн сангаас олгож байгаа тэтгэвэр, тэтгэмжээс гадна төрөөс сар бүр олгох мөнгөн хөрөнгийг.”

2/10 дугаар зүйлийн 10.3 дахь хэсэг:

“10.3. Энэ хуулийн 10.1.2-т заасан сувиллын хөнгөлөлтийн жишиг үнийг Эрүүл мэндийн даатгалын тухай хуулиар зохицуулна.”

3/12 дугаар зүйлийн 12.8, 12.9, 12.10, 12.11 дэх хэсэг:

“12.8. Энэ хуулийн 4.1.12-т заасан ахмад настанд сар бүр нэмэгдлийг улсын төсвөөс олгоно.

12.9. Энэ хуулийн 4.1.13-т заасан нэмэгдлийн хэмжээг Засгийн газрын өргөн мэдүүлснээр Улсын Их Хурал тогтооно.

12.10. Төсвийн ерөнхийлөн захирагч нь өөрийн эрхлэх асуудлын хүрээнд тухайн салбараас эсхүл харьяа байгууллагад ажиллаж байгаад өндөр насны тэтгэвэр тогтоолгосон алдар цолтон ахмад настанд олгох нэмэгдлийг сар бүр ахмад настны

арилжааны банкн дахь нэрийн дансанд шилжүүлнэ. Ахмад настан нас барсан тохиолдолд нэмэгдлийг нас барсны дараагийн сар дуустал олгоно.

12.11.Энэ хуулийн 12.8-д заасан нэмэгдэл олгох журмыг Засгийн газар батална.”

4/15¹ дугаар зүйл.Шилжилтийн үеийн зохицуулалт

“15¹.1.Нийгмийн халамжийн тухай хууль /шинэчилсэн найруулга/ хүчин төгөлдөр болсон өдрөөс өмнө энэ хуулийн 12.8-д заасны дагуу нэмэгдэл авч байсан алдар цолтон ахмад настанд Ахмад настны тухай хуульд нэмэлт, өөрчлөлт оруулах тухай хуулийн 3.1-д заасан насны өөрчлөлт хамаарахгүй.”

2 дугаар зүйл.Ахмад настны тухай хуулийн 12 дугаар зүйлийн гарчгийн “...хишиг” гэсний дараа “, нэмэгдэл” гэж, 7.2.1, 7.2.10, 7.2.11 дэх заалтын “сум, хорооны” гэсний дараа “халамжийн” гэж, 13.8 дахь хэсгийн “10.1.4-т” гэсний өмнө “10.1.2” гэж нэмсүгэй.

3 дугаар зүйл.Ахмад настны тухай хуулийн 13.5 дахь хэсгийг доор дурдсан агуулгаар өөрчлөн найруулсугай.

“13.5.Нийгмийн халамжийн сан, орон нутгийн төсвөөс санхүүжүүлэх энэ хуулийн 7.1.1, 7.1.2, 7.1.5, 7.1.9, 7.1.10, 7.1.11-д заасан Идэвхтэй насжилтыг дэмжих үйлчилгээ болон 7.1.7-д заасан асаргааны хувилбарт үйлчилгээний байгууллагын ажилтны цалин хөлс, үйлчилгээний жишиг үнэ болон иргэний хариуцах төлбөрийн хэмжээг нийгмийн хамгааллын болон санхүү, төсвийн асуудал эрхэлсэн Засгийн газрын гишүүн хамтран баталж, хэрэгжүүлнэ.”

4 дүгээр зүйл. Ахмад настны тухай хуулийн 3.1 дэх хэсгийн “60, түүнээс дээш настай эрэгтэй, 55, түүнээс дээш настай эмэгтэй” гэснийг “Нийгмийн даатгалын сангаас олгох тэтгэврийн тухай хуулийн 5 дугаар зүйлийн Тайлбар хэсэгт заасан насанд хүрсэн” гэж, 8.1.1 дэх заалтын “нийгмийн халамжийн” гэснийг “эрүүл мэндийн” гэж, 8.1.2 дахь заалтын “амралт, сувиллын газарт” гэснийг “ахмадын зориулалттай амралтын газарт” гэж, 8.2 дахь хэсгийн “амралт, сувиллын газрын” гэснийг “ахмадын зориулалттай амралтын газрын” гэж өөрчилсүгэй.

5 дугаар зүйл.Ахмад настны тухай хуулийн 7.3.3 дахь заалтаас “7.1.8” гэснийг, 10.1.2 дахь заалтаас “тээврийн хэрэгслийн нэг талын зардал” гэснийг, 13.3 дахь хэсгээс “7.1.3, 7.1.4”, “8.1.3”, “10.1.2”, “10.1.5” гэснийг, 13.5 болон 13.6 дахь хэсгээс “7.1.8” гэснийг тус тус хассугай.

6 дугаар зүйл.Ахмад настны тухай хуулийн 7.1.3, 7.1.4, 8.1.3, 10.1.5 дахь заалт, 13.1 дэх хэсгийг тус тус хүчингүй болсонд тооцсугай.

7 дугаар зүйл.Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

ЭРҮҮЛ МЭНДИЙН ДААТГАЛЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл. Эрүүл мэндийн даатгалын тухай хуульд доор дурдсан агуулгатай хэсэг, заалт нэмсүгэй:

1/9 дүгээр зүйлийн 1 дэх хэсгийн 16, 17, 18, 19 дэх заалт:

“9.1.16.Нийгмийн халамжийн тухай хуулийн 15.1-д заасан өрхийн 0-6 хүртэлх насны хүүхдэд эм, бичил тэжээлийн, эмэгтэйчүүдэд нөхөн үржихүйн эрүүл мэндийн эм, хэрэгслийн үнийн хөнгөлөлт;

9.1.17.ахмад настан, хөгжлийн бэрхшээлтэй хүнд үзүүлэх Эм, эмнэлгийн хэрэгслийн тухай хуулийн 4.1.10.в-д заасан өндөр болон зарим дунд эрсдэлтэй эмнэлгийн хэрэглэгдэхүүний үнийн хөнгөлөлтийг;

9.1.18.ахмад настан, хөгжлийн бэрхшээлтэй хүн, хүндэт донорын сувиллын үнийн хөнгөлөлт;

9.1.19.Нийгмийн халамжийн тухай хуулийн 15.1-д заасан өрхийн согтуурах мансуурах донтой иргэний донтолтыг бууруулах эмийн хөнгөлөлт, эмнэлгийн тусламж, үйлчилгээний зардал.”

2/9 дүгээр зүйлийн 7 дахь хэсэг:

“9.7.Энэ хуулийн 9.1.17, 9.1.18-д заасан тусламж, үйлчилгээний зардлын нэмэлт төлбөрийг нийгмийн халамжийн сангаас, 9.1.19-д заасан эмийн хөнгөлөлт, эмнэлгийн тусламж, үйлчилгээний зардлыг Архидан согтуурахтай тэмцэх, урьдчилан сэргийлэх үйл ажиллагааг дэмжих сангаас эрүүл мэндийн даатгалын сангийн тухайн жилийн төсөвт шилжүүлэн тусгаж эрүүл мэндийн даатгалын байгууллагаар дамжуулан хэрэгжүүлнэ.

3 дугаар зүйл. Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

ЭРҮҮЛ МЭНДИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл. Эрүүл мэндийн тухай хуульд доор дурдсан агуулгатай хэсэг, заалт нэмсүгэй:

1/15 дугаар зүйлийн 15.1.15 дахь заалт:

“15.1.15.Нийгмийн халамжийн тухай хуулийн 4.1.14-т заасан асрамжийн үйлчилгээ үзүүлж байгаа байгууллагын эмнэлгийн тусламж, үйлчилгээний нэгж.”

2/16 дугаар зүйлийн 16.23 дахь хэсэг:

“16.23.Энэ хуулийн 16.21-д заасан комиссын гишүүн эрүүл мэндийн ажилтан нь буруу дүгнэлт гаргасан, албан тушаалаа урвуулан ашигласан талаарх гомдол саналыг мөн хуулийн 26.1-д заасан ёс зүйн хяналтын хороо, ёс зүйн салбар хороонд нийгмийн халамжийн үйлчилгээний байгууллага, иргэн гаргана.”

2 дугаар зүйл. Эрүүл мэндийн тухай хуулийн 15.1.10 дахь заалтын “төв” гэсний дараа “ахмад настан, хөгжлийн бэрхшээлтэй хүнд үйлчилгээ үзүүлж байгаа байгууллагын дэргэдэх сэргээн засах нэгж”, 29.5 дахь хэсгийн “төвд” гэсний дараа “энэ хуулийн 15.1.15-д заасан нэгжид” гэж тус тус нэмсүгэй.

3 дугаар зүйл. Эрүүл мэндийн тухай хуулийн 16.21 дэх хэсгийн “настан, хөгжлийн бэрхшээлтэй иргэнд” гэснийг “настны хөгжлийн бэрхшээлтэй эсэхийг болон” гэж өөрчилсүгэй.

4 дүгээр зүйл. Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

ЭМНЭЛГИЙН ТУСЛАМЖ, ҮЙЛЧИЛГЭЭНИЙ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл.Эмнэлгийн тусламж, үйлчилгээний тухай хуульд доор дурдсан агуулгатай заалт нэмсүгэй:

1/13 дугаар зүйлийн 13.3.3 дахь заалт:

“13.3.3.ахмад настан, хөгжлийн бэрхшээлтэй хүнд үйлчилгээ үзүүлж байгаа байгууллагын дэргэдэх сэргээн засах нэгж.”

2/14 дүгээр зүйлийн 14.2.8 дахь заалт:

“14.2.8.Эрүүл мэндийн тухай хуулийн 15.1.15-д заасан нэгж.”

2 дугаар зүйл.Эмнэлгийн тусламж, үйлчилгээний тухай хуулийн 19 дүгээр зүйлийн гарчгийн “төв” гэсний дараа “нэгж, асрамжийн үйлчилгээ үзүүлж байгаа байгууллагын эмнэлгийн тусламж, үйлчилгээний нэгж,” гэж, 19.1 дэх хэсгийн “сэргээн засах төв” гэсний дараа “ахмад настан, хөгжлийн бэрхшээлтэй хүнд үйлчилгээ үзүүлж байгаа байгууллагын дэргэдэх сэргээн засах нэгж, мөн Эрүүл мэндийн тухай хуулийн 15.1.15-д заасан асрамжийн үйлчилгээ үзүүлж байгаа байгууллагын эмнэлгийн тусламж, үйлчилгээний нэгж,” гэж тус тус нэмсүгэй.

3 дугаар зүйл.Эмнэлгийн тусламж, үйлчилгээний тухай хуулийн 14.2 дахь хэсгийн “засахын дагнасан” гэснийг “засах” гэж өөрчилсүгэй.

4 дүгээр зүйл.Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

СОГТУУРУУЛАХ УНДААНЫ ЭРГЭЛТЭД ХЯНАЛТ ТАВИХ, АРХИДАН СОГТУУРАХТАЙ ТЭМЦЭХ ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл. Согтууруулах ундааны эргэлтэд хяналт тавих, архидан согтуурахтай тэмцэх тухай хуульд доор дурдсан агуулгатай зүйл, хэсэг нэмсүгэй:

1/32 дугаар зүйлийн 3 дахь хэсэг:

“32.3.Нийгмийн халамжийн тухай хуулийн 15.3-т заасан өрхийн согтуурах мансуурах донтой иргэний донтолтыг бууруулах эмийн хөнгөлөлт, эмнэлгийн тусламж, үйлчилгээний зардлыг Архидан согтуурахтай тэмцэх, урьдчилан сэргийлэх үйл ажиллагааг дэмжих сангаас Эрүүл мэндийн даатгалын тухай хуулийн 19.1.5-д заасны дагуу эрүүл мэндийн даатгалын сангийн тухайн жилийн төсөвт шилжүүлэн тусгаж, эрүүл мэндийн даатгалын байгууллагаар дамжуулан хэрэгжүүлнэ.”

2/32¹ дугаар зүйл.Нийгмийн халамжийн үйлчилгээ

“32¹.1.Нийгмийн халамжийн тухай хуулийн 18.4-т заасан үйлчилгээний зардлыг Архидан согтуурахтай тэмцэх, урьдчилан сэргийлэх үйл ажиллагааг дэмжих сангаас нийгмийн халамжийн сангийн тухайн жилийн төсөвт шилжүүлэн тусгаж нийгмийн халамжийн үйлчилгээний байгууллагаар дамжуулан хэрэгжүүлнэ.”

2 дугаар зүйл. Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

ЗАСГИЙН ГАЗРЫН ТУСГАЙ САНГИЙН ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл. Засгийн газрын тусгай сангийн тухай хуулийн 21³.2.3 дахь заалтын “хүн амд хүргэх” гэсний дараа “,Нийгмийн халамжийн тухай хуулийн 15.3, 18.4-т заасан тусламж, үйлчилгээ,” гэж, 21³.4 дэх хэсгийн “гишүүд” гэсний дараа “зарцуулахтай холбогдсон журмыг хууль зүйн, эрүүл мэндийн болон нийгмийн халамжийн асуудал эрхэлсэн Засгийн газрын гишүүд тус тус” гэж нэмсүгэй.

2 дугаар зүйл. Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

МОНГОЛ УЛСЫН ЗАСАГ ЗАХИРГАА, НУТАГ ДЭВСГЭРИЙН НЭГЖ, ТҮҮНИЙ УДИРДЛАГЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл. Монгол Улсын засаг захиргаа, нутаг дэвсгэрийн нэгж, түүний удирдлагын тухай хуульд доор дурдсан агуулгатай хэсэг, заалт нэмсүгэй.

1/71 дүгээр зүйлийн 2 дахь хэсэг:

“71.2.Аймаг, нийслэлийн Засаг дарга нь орон нутгийн хөгжлийн бодлоготой уялдуулан Монгол Улсын Ерөнхий сайдтай тухайн нутаг дэвсгэрийн хүн ам, өрхийн ядуурал, ажилгүйдлийг бууруулах гэрээ байгуулж ажиллана:

71.2.1.гэрээнд тухайн жилд ядуурлаас гаргах өрх, иргэний тоо, мэдээллийг тусгах;

71.2.2.ядуурал, ажилгүйдэл ихтэй нутаг дэвсгэрийг тогтоож, түүнд чиглэсэн бодлого боловсруулах;

71.2.3.газар тариалан, хөдөө аж ахуйн үйлдвэрлэл эрхлэх зорилгоор ядуу өрх, иргэнд газар олгох, эзэмшлийн газартаа тариа, ногоо тарих, малжуулах, нэмүү өртөг шингэсэн бүтээгдэхүүн үйлдвэрлэх, худалдан борлуулахад нь дэмжлэг үзүүлэх зэргээр хөдөлмөр эрхлэх, тогтмол орлого олох боломжийг бүх талаар дэмжин ажиллах;

71.2.4.нутаг дэвсгэрийн хүрээнд ядуурал, ажилгүйдлийг бууруулах, хөдөлмөр эрхлэлтийг нэмэгдүүлэх чиглэлээр хэрэгжүүлсэн сайн туршлагыг түгээн дэлгэрүүлэх, сурталчлах;

71.2.5.доод шатны Засаг дарга нарын ядуурал, ажилгүйдлийг бууруулах, хөдөлмөр эрхлэлтийг нэмэгдүүлэх чиглэлээр хэрэгжүүлсэн үйл ажиллагаанд хяналт тавьж, тайланг дүгнэж, урамшуулах, хариуцлага тооцох;

71.2.6.Монгол Улсын Ерөнхий сайдтай байгуулсан ядуурал, ажилгүйдлийг бууруулах, хөдөлмөр эрхлэлтийг нэмэгдүүлэх гэрээний биелэлтийн явц, үр дүнг жил бүр Засгийн газрын хуралдаанд танилцуулах.”

2/35 дугаар зүйлийн 35.2.7, 35.2.8 дахь заалт:

“35.2.7.Нийгмийн халамжийн тухай хуулийн 18.8-д заасан арга хэмжээг хэрэгжүүлэх, санхүүжүүлэх журам;

35.2.8.Орон нутагт гэмт хэргээс урьдчилан сэргийлэх, архидан согтуурахтай тэмцэх журам.”

2 дугаар зүйл. Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

МОНГОЛ УЛСЫН ЗАСГИЙН ГАЗРЫН ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл. Монгол Улсын Засгийн газрын тухай хуульд доор дурдсан агуулгатай хэсэг нэмсүгэй.

1/12 дугаар зүйлийн 8 дахь хэсэг:

“8. Монгол Улсын Ерөнхий сайдтай байгуулсан аймаг, нийслэлийн Засаг даргын орон нутгийн хөгжлийн бодлоготой уялдуулан хэрэгжүүлсэн хүн ам, өрхийн ядуурал, ажилгүйдлийг бууруулах гэрээний биелэлт, тайланг жил бүрийн нэгдүгээр сард багтаан Засгийн газрын хуралдаанаар хэлэлцэж, үр дүнг дүгнэн урамшуулж, хариуцлага тооцож ажиллана.”

2 дугаар зүйл. Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

НЯЛХ, БАЛЧИР ХҮҮХДИЙН ХҮНСНИЙ ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1 дүгээр зүйл. Нялх, балчир хүүхдийн хүнсний тухай хуулийн 14.4 дэх хэсгийн “22 дугаар” гэснийг “13 дугаар” гэж өөрчилсүгэй.

2 дугаар зүйл. Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

НИЙГМИЙН ДААТГАЛЫН ЕРӨНХИЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл. Нийгмийн даатгалын ерөнхий хуульд дор дурдсан агуулгатай хэсэг нэмсүгэй.

1/21 дүгээр зүйлийн 22 дахь хэсэг.

21.22.Эмнэлгийн хяналтад байдаг, байнгын асаргаа шаардлагатай 18 хүртэлх насны хөгжлийн бэрхшээлтэй хүүхдээ асарч ажил хөдөлмөр эрхлээгүй эх, эсхүл эцэг энэ хуулийн 7.7-д заасны дагуу даатгуулах бол тухайн үед мөрдөж байгаа сарын хөдөлмөрийн хөлсний доод хэмжээнд ногдох тэтгэврийн даатгалын шимтгэлийг улсын төсвөөс сар бүр төлнө.

2 дугаар зүйл. Нийгмийн даатгалын ерөнхий хуулийн 43.5 дахь хэсгийн “хөдөлмөр” гэсний өмнө “биеийн үйлдэл, үйл ажиллагааны чадамж, байнгын асаргаа шаардлагатай эсэх,” гэж нэмсүгэй.

3 дугаар зүйл. Энэ хуулийг Нийгмийн халамжийн тухай хууль /шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

ХӨДӨЛМӨРИЙН ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл.Хөдөлмөрийн тухай хуулийн 145 дугаар зүйлд доор дурдсан агуулга бүхий 145.5 дахь хэсэг нэмсүгэй:

“145.5.Аж ахуйн нэгж, байгууллага энэ хуулийн 145.4-т зааснаар ахмад настан ажиллуулаагүй бол ажиллуулбал зохих орон тоо тутамд ногдох төлбөрийн хэмжээ нь хөдөлмөрийн хөлсний доод хэмжээтэй тэнцүү байх бөгөөд уг төлбөрийг сар бүр Хөдөлмөр эрхлэлтийг дэмжих санд төлнө.”

2 дугаар зүйл.Энэ хуулийг Нийгмийн халамжийн тухай хууль /шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

ГЭР БҮЛИЙН ХҮЧИРХИЙЛЭЛТЭЙ ТЭМЦЭХ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл. Гэр бүлийн хүчирхийлэлтэй тэмцэх тухай хуульд доор дурдсан агуулгатай хэсэг нэмсүгэй:

“13.2. Энэ хуулийн 13.1.4-д заасан төрийн бус байгууллагыг санхүүжүүлэх зардлыг нийгмийн хамгааллын асуудал эрхэлсэн Засгийн газрын гишүүний төсвийн багцад жил бүр тусгаж, хүүхэд, гэр бүлийн асуудал хариуцсан төрийн захиргааны байгууллага хариуцан хэрэгжүүлнэ.”

2 дугаар зүйл. Гэр бүлийн хүчирхийлэлтэй тэмцэх тухай хуулийн 13.1.1, 33.1.4 дэх заалтын “нийгмийн халамжийн” гэснийг “гэр бүлийг дэмжих” гэж өөрчилсүгэй.

3 дугаар зүйл. Гэр бүлийн хүчирхийлэлтэй тэмцэх тухай хуулийн 21.1.1 дэх заалтын “40,” болон “нийгмийн халамжийн үйлчилгээ,” гэснийг тус тус хассугай.

4 дүгээр зүйл. Гэр бүлийн хүчирхийлэлтэй тэмцэх тухай хуулийн 40 дүгээр зүйлийг хүчингүй болгосугай.

5 дугаар зүйл. Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

ЗӨРЧЛИЙН ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл.Зөрчлийн тухай хуульд доор дурдсан агуулгатай зүйл нэмсүгэй.

1/10.17¹ дугаар зүйл:

“10.17¹ дугаар зүйл.Нийгмийн халамжийн тухай хууль зөрчих

1.Нийгмийн халамжийн сангийн хөрөнгийг зориулалт бусаар ашиглаж, зарцуулсан нь эрүүгийн хариуцлага хүлээлгэхээргүй бол хууль бусаар олсон хөрөнгө, орлогыг хурааж, учруулсан хохирлыг нөхөн төлүүлж хүнийг хоёр мянган нэгжтэй тэнцэх хэмжээний төгрөгөөр, хуулийн этгээдийг арван мянган нэгжтэй тэнцэх хэмжээний төгрөгөөр торгоно.

2.Хөгжлийн бэрхшээлтэй хүний биеийн үйлдэл, үйл ажиллагааны чадамж, байнгын асаргаа шаардлагатай эсэх, хөдөлмөрийн чадвар алдсан шалтгаан, хувь хэмжээ, хугацааг буруу тогтоосон, эсхүл тогтоогоогүй Нийгмийн даатгалын ерөнхий хуулийн 37.7-д заасан Эрүүл мэндийн магадлалын зөвлөл, Сэтгэцийн өвчний салбар зөвлөлийн гишүүнийг хоёр зуун тавин нэгжтэй тэнцэх хэмжээний төгрөгөөр, хуулийн этгээдийг хоёр мянга таван зуун нэгжтэй тэнцэх хэмжээний төгрөгөөр торгоно.

3.Ахмад настны хөгжлийн бэрхшээлтэй болон байнгын асаргаа шаардлагатай эсэхийг буруу тогтоосон, эсхүл тогтоогоогүй Эрүүл мэндийн тухай хуулийн 16.21-д заасан Эмнэлэг, хяналтын комиссын гишүүнийг хоёр зуун тавин нэгжтэй тэнцэх хэмжээний төгрөгөөр, хуулийн этгээдийг хоёр мянга таван зуун нэгжтэй тэнцэх хэмжээний төгрөгөөр торгоно.

4. Хүүхдийн хөгжлийн бэрхшээлтэй эсэх, байнгын асаргаа шаардлагатай эсэхийг буруу тогтоосон, эсхүл тогтоогоогүй Хөгжлийн бэрхшээлтэй хүний эрхийн тухай хуулийн 37.2.1-д заасан эрүүл мэнд, боловсрол, нийгмийн хамгааллын комиссын гишүүнийг хоёр зуун тавин нэгжтэй тэнцэх хэмжээний төгрөгөөр, хуулийн этгээдийг хоёр мянга таван зуун нэгжтэй тэнцэх хэмжээний төгрөгөөр торгоно.

5.Хуурамч баримт бичиг бүрдүүлэн нийгмийн халамжийн тэтгэвэр, тэтгэмж, дэмжлэг, үйлчилгээ, хөнгөлөлт, тусламж, зардлыг үндэслэлгүйгээр илүү тогтоолгон авсан нь эрүүгийн хариуцлага хүлээлгэхээргүй бол учруулсан хохирлыг нөхөн төлүүлж,

хүнийг мянган нэгжтэй тэнцэх хэмжээний төгрөгөөр, хуулийн этгээдийг арван мянган нэгжтэй тэнцэх хэмжээний төгрөгөөр торгоно.

6.Нийгмийн халамжийн мэдээллийн нэгдсэн сангийн мэдээллийг үндэслэлгүйгээр устгасан, засварласан, хуурамч мэдээлэл оруулсан нь эрүүгийн хариуцлага хүлээлгэхээргүй бол хууль бус үйлдэл гаргаснаас үүссэн хохирлыг нөхөн төлүүлж, хүнийг таван зуун нэгжтэй тэнцэх хэмжээний төгрөгөөр, хуулийн этгээдийг таван мянган нэгжтэй тэнцэх хэмжээний төгрөгөөр торгоно.

7.Нийгмийн халамжийн тухай хуулийн 38.4 дэх хэсэгт заасныг зөрчсөн иргэнийг мянган нэгжтэй тэнцэх хэмжээний төгрөгөөр, хуулийн этгээдийг арван мянган нэгжтэй тэнцэх хэмжээний төгрөгөөр торгоно.”

2 дугаар зүйл.Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

ЗӨРЧИЛ ШАЛГАН ШИЙДВЭРЛЭХ ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл.Зөрчил шалган шийдвэрлэх тухай хуульд доор дурдсан агуулгатай хэсэг нэмсүгэй.

1/6 дугаар зүйлийн 66 дахь хэсэг:

“6.66.Нийгмийн халамжийн улсын байцаагч Зөрчлийн тухай хуулийн 10.17¹ дугаар зүйл заасан зөрчил.”

2 дугаар зүйл.Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

ЭРҮҮГИЙН ХУУЛЬД ӨӨРЧЛӨЛТ ОРУУЛАХ ТУХАЙ

1 дүгээр зүйл. Эрүүгийн хуулийн 18.12 дугаар зүйлийн 1 дэх хэсэг, мөн зүйлийн 2 дахь хэсгийн 2.2 дахь заалтын “нийгмийн халамжийн тэтгэвэр, тэтгэмж, үйлчилгээ, нийгмийн хөгжлийн үйлчилгээг” гэснийг “Нийгмийн халамжийн тухай хуульд заасан нийгмийн халамжийн арга хэмжээ болон Гэр бүлийг дэмжих тухай хуульд заасан тэтгэмж, урамшуулал, хөнгөлөлтөд хамрагдсан,” гэж өөрчилсүгэй.

2 дугаар зүйл. Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар хот

ДОНОРЫН ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1 дүгээр зүйл.Донорын тухай хуулийн 22 дугаар зүйлийн 22.1 дэх хэсгийг доор дурдсан агуулгаар өөрчлөн найруулсугай.

“22.1.Цусны байнгын болон амьд донорт эмнэлгийн тусламж, үйлчилгээг хөнгөлөлттэй үзүүлэх, жилд нэг удаа эрүүл мэндийн үзлэгт үнэ төлбөргүй хамруулах журам болон амьд донор болон цусаа 35-аас дээш удаа өгсөн донорыг магадлан итгэмжлэгдсэн дотоодын сувилалд жилд нэг удаа хөнгөлөлттэй үнээр сувилуулах журмыг эрүүл мэндийн асуудал эрхэлсэн Засгийн газрын гишүүн батална.”

2 дугаар зүйл.Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

Төсөл

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

НИЙГМИЙН ХАЛАМЖИЙН ТУХАЙ ХУУЛЬ ХҮЧИНГҮЙ БОЛСОНД ТООЦОХ ТУХАЙ

1 дүгээр зүйл. 2012 оны 1 дүгээр сарын 19-ний өдөр баталсан Нийгмийн халамжийн тухай хууль /Шинэчилсэн найруулга/ хүчингүй болсонд тооцсугай.

2 дугаар зүйл. Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

Төсөл

МОНГОЛ УЛСЫН ХУУЛЬ

202... оны ... дугаар
сарын ...-ны өдөр

Улаанбаатар
хот

АЛДАР ЦОЛТОН АХМАД НАСТАНД ТӨРӨӨС НЭМЭГДЭЛ, ХӨНГӨЛӨЛТ ОЛГОХ ТУХАЙ ХУУЛЬ ХҮЧИНГҮЙ БОЛСОНД ТООЦОХ ТУХАЙ

1 дүгээр зүйл. 2017 оны 2 дугаар сарын 02-ны өдөр баталсан Алдар цолтон ахмад настанд төрөөс нэмэгдэл, хөнгөлөлт олгох тухай хууль /Шинэчилсэн найруулга/ хүчингүй болсонд тооцсугай.

2 дугаар зүйл. Энэ хуулийг Нийгмийн халамжийн тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ